

درب اليسر درب الألم وينك يا حمّاي الحرم يعبّاس يعبّاس نادينا يعبّاس جيب الماي لسكينه

مفجوعة كل أم بطفل صعدت على ظهور الهزل يصغي لبواجيهها الراس
وعين الوديعه ام الخدر من تغمض بليل اليسر يحضر لزيب عبّاس

يتجلى ليها بكل حلم وتنظر لعينه
وتغله ما شوف السهم يا خويه وينه

يال تظهر بعالك طهر ظليت اني الدنيا الشمر ابوجع ابسوطه اضلاعي
ما ادري قلبي شيحتمل شلون اعذرك يا با الفضل من سألوني قناعي

يجرحني يا خويه الشتم وأنّي العقيلة
قالوا نشوف اخت السهم صارت ذليلة

ولن انشدت عبايتها ويثيمة طفلة مندهشة
يزيب عمه سمعيني يعمه ذابله و عطشى

بعد وينه اليرونيا تركنا بغربة وبوحشة
عجب ير يحسرة نطل لجور الظالم وبطشه

ويناديها السهر قومي كفيلج غابت أنفاسه
تفز من الـ حلم يفجع ها قدام الظعن راسه
انصرع باقي الجسد وخيل بلا رحم داسه
يمن چانت بالطف العزيز ابعالي نوماسه
يظللها

يوعيها الجرح خل تسهد عيونج بيت حيدر
اخوچ المنذبح ما يرجع ودم نحره مطشّر

القلب جمرة تظل تسعر وعينج بالحزن تسهر
وتروحي بلا ولي بهالبر غريبة بدرب المقدر

1

جم طفلة بالوادي اختفت بس عنها زينب ما درت شال الظعن عنها وراح
بيها العطش قد ما بجت ولمن من الضيم اوگعت مغشي عليها بلجراح

ابحنيته جاهها القمر يمسخ دمعها
تمهس له بشفاف اذبلت وقلبه سمعها

يا عمي تزهر غرتك فرحانة والله بشو فتك كنت ادري ترجع لينا
لكن يعمي شتتتظر ما تدري سلبونا الخدر وانت الغيور اعلينا

قالوا لي عباس انذبح ما صدقتهم
قلت الخبر لا ما يصح شكك جذبهم

وقالوا لي سهم ميشوم سفك دمه وخسف عينه
وقالوا علفرات هناك وقع مقطوعة چفينه

تحديت الحرم كلها وقلت لازم ترد لينا
الجفا لا والله مو طبعك وحاشاك انتة ناسينا

اظنهم ما دروا عنك يعمي شايل الراية
ولا تسد ال - زلم درب ال - نهر من يرتجف مايه
بوجودك كل لسان انشل ولا تمس زينب احچاية
يعمي انهض أرد ليههم وترد الساعة ويآيه

لقيتك سالم و زينب تظنك داممي بالمذبح
أريد أرجع وأبشرها وتهلل بالفرح تصدح

يبو فاضل بعد عجل متدري بالظعن روج
مشوا بالبر على الهزل ودموع النايبة تسفح

درب اليسر درب الألم
وينك يا حمّاي الحرم
يعبّاس يعبّاس نادينا
يعبّاس جيب الماي لسكينه

لمن طحت بالمشرعة وراحت چفوفي مقطعة ويختي السهم صاب العين
بصدرچ سهام الفاجعة وادري الحریم مروعة وادري انكسر ظهر حسين

من حوّل اعليه العمد وعيونى تغير
من فارقت روحى الجسد وياكم تسير

كل موقف ال بيكم جرى وروحي الحزينة حاضرة ودمعتاچ سراج الليل
عتاچ عليه اصعب جرح يبجي له راسى اعلى الرمح وصدري الذى تدوسه الخيل

لا ما يرد ماضى العمر ياالغاليّة راح
يا ام المصايب والصبر مكتوبة لجراح

يزينب لا تظنيبي نسيت بلحظة لوصية
ذخرني والدي للطف وحمّلت الراية بيديه

چنت والله أعياها وبـالغيرة الحسينية
على روس العدى ارتفعت وچنها الشمس المضيّه

انا الوارث عزم حيدر تشوفه الاعداء في عيني
الوفاء من المهدي راضع وعليه امي تربييني
على صدري حرز ام ال - بنين اويائه يحميني
انكتب ليّه وأنا الوافي تروح يساري ويميني

بعد لو لا القضا يختي وموت العزة المقدر
تصول بكر بلا چفوفي غمامة وتحصد العسكر

يضي عيني تعذريني احلفچ والله بالمنحر
يزينب لا تلوميني على اعتاچ ابد مقدر

درب اليسر درب الألم
وينك يا حمّاي الحرم
يعبّاس يعبّاس نادينا
يعبّاس جيب الماي لسكينه

